

**ՀԱՐԱՎԱՅԻՆ ԵՎ ԱՐԵՎԵԼՅԱՆ ԵՎՐՈՊԱՅԻՑ
ԱՄՆ ԿԱՏԱՐՎԱԾ ՆԵՐԳԱՂԹԸ
(XIX դ. վերջ—XX դ. 60-ական թվականներ)**

ՄԱՐԻԱՄ ՏՆԲ-ԳՐԻԳՈՐՅԱՆ

Ամերիկայի Միացյալ Նահանգների պատմական զարգացման բնորոշ առանձնահատկություններից մեկը միլիոնավոր մարդկանց ներգաղթն է, որը սկսվել է դեռևս XVI դ.: Ամերիկյան ազգի առաջացումը, ինչպես նաև նրա կաղմավորումը կապված են երկրի գաղութացման և, որպես դրա հետևանք, Եվրոպայից, Ասիայից միլիոնավոր մարդկանց դեպի ԱՄՆ կատարած ներգաղթի հետ:

XIX և XX դդ. սահմանագծում ԱՄՆ-ը ոտք դրեց մոնոպոլիստական կապիտալիզմի փուլը: Այդ նույն պատմական ժամանակաշրջանում իմպերիալիզմի փուլը թևակոխեցին մի շարք եվրոպական երկրներ՝ Գերմանիան, Անգլիան, Ֆրանսիան, սկանդինավյան երկրները: Ինչպես նշել է Վ. Ի. Լենինը, կային բարձր զարգացած կապիտալիզմի երեք մարզեր՝ ռմիջին եվրոպականը, բրիտանականն ու ամերիկյանը¹:

Մոնոպոլիստական կապիտալիզմի առաջին փուլում զարգացման տեմպերով եվրոպական երկրներից առաջնային գիրք զբաղեցին Գերմանիան և Անգլիան: Վ. Ի. Լենինը իմպերիալիզմի առանձնահատկությունների թվին էր դասում իմպերիալիստական երկրներից արտագաղթի նվազումը և հետամնաց երկրներից դեպի այդ երկրներ կատարվող ներգաղթի մեծացումը²: Այդ երկրներում արդյունաբերական արտադրանքի աճի տեմպերը կլանում էին գոյացող հավելյալ բնակչությունը, և այժմ դրանց էկոնոմիկան ինքն էր բանվորական ուժի կարիք զգում: Եվ բոլորովին էլ պատահական չէ, որ 1880—1890 թթ. ԱՄՆ կատարվող ներգաղթի հոսանքում տեղի ունեցան արմատական փոփոխություններ: Եթե ԱՄՆ-ի նախորդ պատմության ընթացքում և, մասնավորապես, ամբողջ XIX դ. այդ երկիրն էին գաղթում հիմնականում արևմտաեվրոպական երկրների բնակիչները, ապա վերահիշյալ տասնամյակում պատկերը փոխվում է: 1880-ական թվականներից եվրոպական արտագաղթի հիմնական աղբյուրներ են դառնում տնտեսապես ու քաղաքականապես հետամնաց բաղմազգ Ավստրո-Հունգարիան, Թուրքիան և Ռուսաստանը: Արտագաղթ է սկսվում նաև մի շարք այնպիսի երկրներից, որոնցից մինչ այդ այն չէր կատարվում: Վերափոխվում ստեղծել է ժողովուրդների ներգաղթի մի առանձին տեսակ: Արդյունաբերական տեսակետից արագ զարգացող երկրները, ավելի շատ մեքենաներ գործադրելով, համաշխարհային շուկայից դուրս մղելով հետամնաց երկրները՝ սահմանում են միջինից ավելի բարձր աշխատավարձ և հետամնաց երկրներից գրավում վարձու բանվորները³: Այսպես է բացատրել դեպի ԱՄՆ կատարվող ներգաղթի նոր աղբյուրների հանդես գալը Վ. Ի. Լենինը:

Ինչպես երևում է № 1 աղյուսակից, 1881—1890 թթ. ԱՄՆ կատարվող ներգաղթում տեղի են ունեցել նաև քանակական ակնառու փոփոխություններ: Եթե նախորդ երեսուն տարիների ընթացքում ԱՄՆ էր գաղթել մոտ 2,5 մլն

1 Վ. Ի. Լենին, ԵԼԺ, հ. 27, էջ 450:

2 Վ. Ի. Լենին, ԵԼԺ, հ. 27, էջ 493:

3 Վ. Ի. Լենին, ԵԼԺ, հ. 24, էջ 112:

մարդ, ապա ընդամենը մի տասնամյակում՝ 1881—1890 թթ., նրանց թիվը հասավ 5.246.613-ի: Ներգաղթողների նման քանակական աճը տեղի է ունեցել ի հաշիվ մասսայական արտագաղթի սկզբնավորման Հարավային ու Արևելյան Եվրոպայի մի շարք այնպիսի երկրներից, որոնցից մինչ այդ կատարվող արտագաղթն աննշան էր:

1891—1900 թթ. Հյուսիսային և Արևմտյան Եվրոպայի երկրներից արտագաղթը կազմեց ամբողջի 44,6%-ը, այն դեպքում, երբ Հարավային և Արև-

Աղյուսակ № 1

ԱՄՆ ներգաղթածների տոկոսային հարաբերությունը (1881—1920 թթ.)⁴

Թվականը	Ամբողջ ներգաղթը (մարդ)	Հյուսիսային և Արևմտյան Եվրոպայից (%-ով)	Հարավային և Արևելյան Եվրոպայից (%-ով)	Ամերիկյան մայրցամաքային երկրներից (%-ով)	Մնացած երկրներից (%-ով)
1881—1890	5.246.613	72,0	18,3	8,1	1,6
1891—1900	3.687.564	44,6	51,9	1,0	2,5
1901—1910	8.795.386	21,7	70,8	4,1	3,4
1911—1920	5.735.811	17,4	58,9	19,9	3,8

վելյան Եվրոպայից արտագաղթը կտրուկ աճեց, հասնելով 51,9, իսկ 1901—1910 թթ.՝ 70,8%-ի: 1880-ական թվականներից արտագաղթը սկսում է նվազել նաև Կանադայից և Հարավամերիկյան մայրցամաքից, 1891—1900 թթ. կազմելով ամբողջի միայն 1%-ը: Այսպիսով, Եվրոպական արտագաղթի կենտրոնն արտագաղթի ավանդական երկրներից՝ Հյուսիսային և Արևմտյան Եվրոպայից, տեղափոխվում է Հարավային և Արևելյան Եվրոպայի տնտեսապես հետամնաց երկրները:

Աղյուսակ № 2

1871—1920 թթ. Հարավային և Արևելյան Եվրոպայից ԱՄՆ

արտագաղթածների թիվը (ըստ տասնամյակների)⁵

Երկրներ	Մ ա Ր Դ				
Ավստրո-հունգարիա	72.969	353.722	592.707	2.145.266	896.342
Բուլղարիա	—	—	—	39.280	22.533
Իտալիա	55.762	307.310	615.893	2.045.887	1.109.524
Հնդաստան	12.970	51.806	96.720	—	4.813
Հունաստան	—	2.058	15.979	167.519	184.201
Ռուսաստան	52.254	265.089	602.011	1.594.306	921.957
Ռումինիա	—	5.938	12.750	58.008	13.732
Պորտուգալիա	4.627	11.917	27.323	69.149	89.732
Թուրքիա	—	3.505	30.585	196.649	77.210

Արտագաղթողների հիմնական մասը Հարավային և Արևելյան Եվրոպայի երկրներից ԱՄՆ եկավ 1880—1920 թթ.: Դժվար է որոշել ԱՄՆ գաղթածների կազմի ըստ ազգություն, քանի որ նրանց գրանցման ժամանակ սկզբում (1861—1895) ֆինանսների մինիստրության վիճակագրական վարչության

⁴ „The Annals of the American Academy of Political and Social Science“. September, 1966, p. 6.

⁵ „Statistical Abstract of the United States, 1913“, Washington, 1914, p. 356-

բյուրոն, իսկ հետագայում ներգաղթի և հպատակադրման բյուրոն հաշվի էին առնում ներգաղթողի ոչ թե ազգությունը, այլ՝ արտագաղթի երկիրը: Սակայն առանձին հեղինակների բերած տվյալների հիման վրա կարելի է որոշակի պատկերացում կազմել ներգաղթողների ազգության վերաբերյալ: Ինչպես կրետմ է № 1 և 2 աղյուսակներից, 1880-ական թվականներից սկսած ներգաղթողների դերակշռող մասը կազմել են բազմազգ պետություններից՝ Ռուսաստանից, Ավստրո-Հունգարիայից և Թուրքիայից արտագաղթածները: Դրանք այն երկրներն էին, որտեղ արդյունաբերության թույլ զարգացումը և գյուղատնտեսության մեջ ֆեոդալիզմի մնացուկներն անխուսափելիորեն իրենց տնտեսական կառուցվածքից դուրս էին մղում միլիոնավոր մարդկանց: Բացի այդ, իմպերիալիզմի հակասությունների բնորոշ դրսևորումներից մեկը՝ բազմազգ պետություններում փոքր ազգերի ճնշման ուժեղացումը, առաջ էր բերում ազգային հակասությունների սրում, որը նույնպես խթանում էր արտագաղթն այդ երկրներից:

ԱՄՆ արտագաղթելուն խթանող հանգամանքներից էր նաև տրանսպորտի ու առևտրի զարգացումը: Եթե մինչև XIX դ. 50-ական թվականներն օվկիանոսի վրայով դեպի ԱՄՆ բեռների փոխադրումներն ու արտագաղթողները տեղափոխումները կատարվում էին փայտյա առագաստանավերով, ապա 1870-ական թվականների վերջերին շոգենավերը վերջնականապես դուրս մղեցին առագաստանավերը, արագացնելով մարդկանց տեղափոխումներն ու բեռների փոխադրությունը: XIX դ. վերջին քառորդում ԱՄՆ-ը միջազգային առևտրի ասպարեզում գրավեց առաջատար տեղերից մեկը, ընդ որում, գերակշռում էր առևտուրը եվրոպական երկրների հետ (1860 թ. ԱՄՆ-ի ամբողջ արտահանության 86,1%-ը կազմել է առևտուրը եվրոպական երկրների հետ)⁵: Ցեղափոխումների գերակշռող մասը կատարվում էր եվրոպական նավերով: Ներգաղթողներին շահույթով տեղափոխելու հարցում շահագրգռված շոգենավային գործակալությունների գործակալներն ու միջնորդները նրանց վարձում էին աշխարհի տարբեր անկյուններում: Այսպես, բազմաթիվ գաղտնի գործակալներ կային Ռուսաստանում և Ավստրո-Հունգարիայում: Այսպիսով, եվրոպական երկրների ռեակվյալ բնակչությունն, օգտագործելով նորագույն տրանսպորտի բոլոր նվաճումները, տարված ԱՄՆ-ի կյանքի համեմատաբար բարձր մակարդակով, գաղթում էր Միացյալ Նահանգներ՝ այնտեղ ստեղծելով բանուժի պահեստային բանակ:

Չնայած ԱՄՆ-ի բուն բնակչության որոշակի դժգոհությանը՝ կապված մեծ թվով օտարերկրացիների ներհոսքի հետ, մինչև 1907 թ. կառավարությունը կենտրոնացնում էր երկրի տնտեսական պահանջներից, բացառությամբ Չինաստանից ներգաղթը դադարեցնող 1882 թ. օրենքի, չսահմանափակեց ներգաղթը:

Այսպես կոչված «նոր ներգաղթը» (1880-ական թվականներից Հարավային և Արևելյան Նվորդային դեպի ԱՄՆ կատարվող մասսայական ներգաղթը) ազգային կառուցվածքով խիստ տարբերվում էր նախորդներից: Այդ հոսանքն ազգային խմբերի հսկայական բազմություն էր ընդգրկում: Մի տասնամյակի ընթացքում՝ 1901—1910 թթ., Ավստրո-Հունգարիայից ԱՄՆ է արտագաղթել 2.143.266 մարդ: Նրանց ազգային կազմի շատ բաղմաբան է եղել. օրինակ՝ 1891—1910 թթ. արտագաղթողների 18,5%-ը եղել է լեհ, 16,1%-ը՝ սլովակ, 14,4%-ը՝ հունգար, 3,3%-ը՝ ռումին, 11,4%-ը՝ գերմանացի, 11,4%-ը՝ խորվաթ և սլովեն, 7,8%-ը՝ հրեա, 6,2%-ը՝ ուկրաինացի և այլն⁶:

Ռուսաստանից առավել մեծ չափով արտագաղթ է տեղի ունեցել 1901—1915 թթ.՝ 2.471.319 մարդ⁷, Այդ արտագաղթի պատճառներն ընդհանուր գծե-

⁵ „Statistical Abstract of the United States, 1909“, Washington, 1910, p. 724.

⁷ «Национальные процессы в США», М., 1972, с. 86.

⁸ Նույն տեղում:

րով համընկնում են Ավստրո-Հունգարիայից տեղի ունեցածի ընդհանուր պատճառների հետ: Այդ երկրներն իրենց տնտեսական զարգացման տեմպերով չափազանց ետ էին մնացել եվրոպական մյուս առաջատար կապիտալիստական երկրներից և ԱՄՆ-ից: Ֆեոդալիզմի մնացուկները խոչընդոտում էին կապիտալիստական հարաբերությունների ազատ զարգացմանը: Բացի այդ, ինչպես ուսական կայսրության, այնպես էլ հաբսբուրգյան միապետության բազմաթիվ ազգային փոքրամասնությունները ենթարկվում էին կրկնակի՝ դասակարգային ու ազգային ճնշման:

Արտագաղթը Թուրքիայից սկսվում է XIX դ. 80-ական թվականներին, երբ կայսրությունը վեր էր ածվում Անգլիայի, Ֆրանսիայի ու Գերմանիայի կիսագաղութի, իսկ երկրի կառավարողներն էլ ավելի էին ուժեղացնում ենթակա ժողովուրդների ազգային ճնշումը: Թուրքիայից դեպի ԱՄՆ կատարվող արտագաղթին առավելագույն չափեր ընդունեց 1900—1911 թթ.՝ 196.649 մարդ: 1899—1910 թթ. Թուրքիայից արտագաղթածների 18,2%-ը կազմել են սիրիացիները, 23,3%-ը՝ հույները, 18,6%-ը՝ բուլղարները, սերբերը և շեքերները՝ 16,8%-ը, հայերը՝ 14,3%-ը, թուրքերը՝ 6,8%-ը և այլն⁹: Ինչպես տեսնում ենք, 1899—1910 թթ. Թուրքիայից արտագաղթածների հսկայական մեծամասնությունը կազմել են փոքր ազգերի ներկայացուցիչները, որ վկայում է երկրում ազգային ճնշման ուժեղացման մասին:

Դեպի ԱՄՆ հայերի մասսայական արտագաղթը սկսվեց 1894 թ.: Մինչև այդ ԱՄՆ-ում բնակվում էր ընդամենը 3000 հայ¹⁰: 1894 թ. Սասունի կոտորածը, 1895—1896 թթ. հայկական ջարդերը և 1909 թ. Ադանայի կոտորածը պատճառ հանդիսացան Օսմանյան կայսրության տիրապետության տակ գտնվող Արևմտյան Հայաստանից հայերի զանգվածային արտագաղթի համար: 1899—1917 թթ. ԱՄՆ արտագաղթեց մոտ 56 հազար հայ՝ մեծ մասամբ Արևմտյան Հայաստանից¹¹: Դժվար է ստույգ ճշտել, թե 1915 թ. եղեռնից հետո որքան հայ գաղթեց ԱՄՆ, քանի որ, ինչպես նշվեց վերը, ԱՄՆ-ի էմիգրացիոն իշխանությունները գաղթականներին հաշվառում էին ոչ թե ըստ ազգության, այլ՝ ըստ արտագաղթի երկրների, իսկ հայ տարագիրները ԱՄՆ էին հասնում՝ անցնելով աշխարհի տարբեր երկրներ: Սակայն եթե հաշվի առնենք այն փաստը, որ 1917 թ. ԱՄՆ գաղթեց հայերի ամենախոշոր զանգվածը՝ 1.224 մարդ, ապա կարելի է եզրակացնել, որ դրանք մեծ մասամբ եղեռնից փրկվածներ էին: Հետագա շրջա տարիների ընթացքում՝ 1918—1922 թթ., ԱՄՆ գաղթած հայերի թիվը կազմեց 1.458 հոգի¹²:

«Նոր ներգաղթի» տարիներին կտրուկ մեծացավ Իտալիայից, Հունաստանից և Ռումինիայից ԱՄՆ արտագաղթողների թիվը: Մասսայական արտագաղթին Իտալիայից սկսվեց XIX դ. 80-ական թվականներից և մեծ չափեր ընդունեց XX դ. սկզբում: 1820—1930 թթ. ԱՄՆ արտագաղթեց 4.736,325 իտալացի¹³: XX դ. արտագաղթին Իտալիայից տեղի է ունենում հիմնականում երկրի տնտեսապես հետամնաց գյուղատնտեսական շրջաններից, մասնավորապես, հարավից:

Հունաստանից ևս արտագաղթին իր կազմով համեմատաբար միատարր էր: 1880—1920 թթ. ԱՄՆ արտագաղթեց 369.752 հույն¹⁴: Այդ նույն ժամա-

⁹ Նույն տեղում, էջ 60:

¹⁰ A. S. Jeretzian, A History of Armenian Immigration to America, New York, 1921, p. 19.

¹¹ Նույն տեղում:

¹² Նույն տեղում, էջ 12:

¹³ „Historical Statistics of the United States (1789—1945)“, Washington, 1946, p. 33.

¹⁴ „The Annals of the American Academy of Political and Social Science“ September, 1966, p. 9.

նականատվածում Ռումինիայից ԱՄՆ տեղափոխվեց 35.007 մարդ. ընդ որում, նրանց մեծամասնությունը կազմում էին հրեաները: 1899—1910 թթ. ևս Ռումինիայից ներգաղթածները մեծ մասը (90%-ը) եղել են հրեաներ¹⁵:

Ներգաղթի հոսանքի աղգային կազմի վերոհիշյալ փոփոխությունների հետևանքով ԱՄՆ-ի բնակչության մեջ փոխվեց օտարերկրյա ծագումով մարդկանց թվի տեսակարար կշիռը: Եթե 1900 թ. ԱՄՆ-ի բնակչության մեջ օտարերկրյա ծագում ունեցողների 31,4%-ը կազմել են Գերմանիայում, 18,7%-ը՝ Իռլանդիայում, 8,4%-ը՝ Անգլիայում, 9,5%-ը՝ Կանադայում, 2,8%-ը՝ Իտալիայում, 3,7%-ը՝ Ռուսաստանում, 8,4%-ը՝ սկանդինավյան երկրներում, 3,5%-ը՝ Ավստրիայում ծնվածները, ապա քսան տարի անց պատկերը փոխվում է: ԱՄՆ-ի բնակչության ավագ սերնդում օտարերկրյա ծագում ունեցողների 19,9%-ը կազմում են Գերմանիայից, 11,4%-ը՝ Իռլանդիայից, 10,6%-ը՝ Ռուսաստանից, 9,2%-ը՝ Իտալիայից, 7,2%-ը՝ Կանադայից և Նյուֆաունդլենդ կղզուց, 6,3%-ը՝ Անգլիայից, 8,1%-ը՝ սկանդինավյան երկրներից, 3,1%-ը՝ Հունգարիայից, 8,6%-ը՝ Ավստրիայից գաղթածները¹⁶:

ԱՄՆ-ում ներգաղթածների տեղաբաշխումն ամենաուղղակի կերպով կապված էր այն բանի հետ, թե որ շրջաններում են կենտրոնացված եղել արդյունաբերական ձեռնարկությունները, որոնք զգում էին գաղթականների էժան բանվորական ուժի կարիքը: Իրավացի է Հ. Շիպակովը, գտնելով, որ գաղթականների բնակիցման խնդիրը ըստ էության զբաղվածության խնդիր էր¹⁷: Չի բացառվում նաև այն փաստը, որ նոր եկածներն ինչպես սոցիալ-տնտեսական, այնպես էլ հոգեբանական պատճառներով ձգտել են բնակվել այն շրջաններում, որտեղ ապրում էին նրանց հայրենակիցները: Ինչպիսին էլ եղած լինեի գաղթականների սոցիալական անցյալը, նրանք՝ հարմարվելով Միացյալ Նահանգների տնտեսության պահանջներին, իրենց մեծամասնությամբ մշտնում էին ամերիկյան հասարակության ամենաստորին սոցիալական խավի մեջ: 1901—1910 թթ. գաղթածների 57,9%-ը դարձավ սևագործ բանվոր: Այդ տարիներին արդյունաբերության հիմնական ճյուղերում զբաղված գաղթական բանվորների բաժինը կազմում էր ընդհանուրի 60%-ից ավելին¹⁸:

ԱՄՆ-ի հայ գաղթականության մեջ որակյալ և գրագետ բանվորների տոկոսն ավելի բարձր էր, քան Արևելյան Եվրոպայից գաղթած մյուս ազգություններինը: Այսպես, մինչև 1910 թ. ԱՄՆ գաղթած հայերի ընդամենը 23%-ն էր անգրագետ, հուլյների՝ 26, ռումինացիների՝ 35, բուլղարացիների՝ 41,7, լեհերի՝ 35,4, ռուսների՝ 35,4, սերիացիների՝ 53,3%-ը¹⁹:

ԱՄՆ-ում հայ գաղթականության սոցիալական կազմի վերաբերյալ ուշագրավ տեղեկություններ է պարունակում 1921 թ. Սովետական Հայաստանի կառավարությանը Գ. Մովսիսյանի ներկայացրած զեկուցագիրը: Ըստ այդ զեկուցագրի, «Ամերիկահայ 130000... բնակչության միայն կես տոկոսն են կազմում դրամատերերը՝ գորգավաճառ առևտրականներ, գործարանատերեր, խոշոր ագարակատերեր, մնացած չորս կամ չորս և կես տոկոսը կազմում են հայ մանր առևտրականները, արհեստավորները և փոքր ագարակատերերը, իսկ մնացած 95 տոկոսը կազմում են հայ աշխատավորները: Եթե սրանցից... երեքից հինգ տոկոսը հաշվենք ժամանակի ընթացքում սեփական տուն կամ կալվածք ստեղծող մարդիկ, ապա մյուս 90 տոկոսը մնում են պարզ արուեստար-

¹⁵ Նույն տեղում:

¹⁶ «Национальные процессы в США», с. 60.

¹⁷ А. Н. Шлепаков, Иммиграция и американский рабочий класс, М., 1966, с. 45.

¹⁸ Isaak Hourvich, Immigration and Labor, New York, 1912, p. 68.

¹⁹ А. S. Yeretzian, նշվ. աշխ., էջ 24.

ներ՝ գործարանատիրոջ կամ ագարակատիրոջ բմահանույթից կախված բան-վորներն²⁰;

ԱՄՆ-ի հյուսիսում կենտրոնացված և ուժգին դարգացող արդյունաբերու-թյունը բանվորական ուժի կարիք էր զգում և այդ իսկ պատճառով ԱՄՆ-ի կառավարությունը ներգաղթի և հպատակադրման բյուրոյի միջոցով ձգտում էր գաղթականներին ուղարկել երկրի արդյունաբերական շրջանները: Դրա հետևանքով գաղթականների մեծ մասը կենտրոնացավ ԱՄՆ-ի միջին-ատ-լանտյան և հյուսիս-ատլանտյան արդյունաբերական նահանգներում: Մի տասնամյակում՝ 1900—1910 թթ., հյուսիս-ատլանտյան օտարերկրյա ծագու-մով բնակչությունը 1.026.8-ից դարձավ 1.976.2, իսկ հյուսիս-արևելյան նա-հանգներում այն 1910 թ. կազմում էր ամբողջ բնակչության 60% -ը²¹: Այդ տարիներին ԱՄՆ գաղթածների ընդամենը 5,2%-ը հաստատվեց հարավային և 8,2%-ը՝ արևմտյան նահանգներում: Մասնավոր ֆիրմաները և ձեռնար-կատերերը ներգաղթածներին տնտեսության զանազան ճյուղերն էին ընդգրկում ըստ ազգային խմբերի, օգտագործելով վարձու գործակալությունները կամ, այսպես կոչված, «պաղորեն» սխտեմը: Աշխատուժի այսպիսի հավաքագրու-մը մեծ շահույթներ էր բերում ձեռնարկատերերին: Սլավոն գաղթականները զբաղված էին ածխի, մետալուրգիական արդյունաբերության, շինարարու-թյան, տեքստիլ ու մսի արդյունաբերության մեջ: Հուլիները, պորտուգալացի-ները և ֆրանկո-կանադացիները հիմնականում ներգրավվում էին տեքստիլ արդյունաբերության մեջ: Իտալացիների աշխատանքը լայնորեն օգտագործ-վում էր ածխարդյունաբերության, շինարարության, ռումինացիներին՝ պող-պատածուկական արդյունաբերության մեջ, շինարարությունում, հունգարե-րին՝ ածխի, շաքարի, պողպատածուկական արդյունաբերության մեջ և այլն: Հայ գաղթական բանվորները մեծ մասամբ զբաղված էին ավտոմոբիլային արդյունաբերության մեջ, երկաթաձուլարաններում, հանքերում, կոշիկի և տեքստիլ ֆաբրիկաներում:

Ճանախ առաջանում էին ավաններ, որոնք բաղկացած էին հայրենակից գաղթականներից, ստեղծվում էին քաղաքների բանվորական թաղամասեր, ուր բնակվում էին նույն ազգության և մասնագիտության տեր բանվորները: Հետաքրքիր է, օրինակ, թե ինչպես է ստեղծվել Ուստր քաղաքի՝ ԱՄՆ-ում հայերի առաջին խոշոր համայնքը: Ուստրում գտնվող մետաղյա լարերի գոր-ծարանի տերերը, լինելով բողոքական միսիոներական կազմակերպության անդամներ, շահագրգռված էին ստվարացնելու քաղաքի բողոքական եկեղե-ցու ծովը: Այդ է պատճառը, որ նրանք բարենպաստ պայմաններ ստեղծեցին բողոքական դավանանքին պատկանող հայ գաղթականների համար՝ աշխա-տելու այս գործարանում: Ի վերջո, Ուստրում կենտրոնացան բազմաթիվ հայ քանվորներ՝ իրենց ընտանիքներով, որոնց հետագայում ավելացան հայ գաղ-թականների նորանոր խմբեր:

Արդյունաբերության դարգացումն ուժեղացնում էր ուրբանիզացման ըն-թացքը: Եթե 1860 թ. ԱՄՆ-ի խոշոր քաղաքներում բնակվում էր երկրի բնակ-չության ընդամենը 20%-ը, ապա 1900 թ.՝ 57%-ը: Ինչ վերաբերում է գաղ-թականներին, ապա նրանց մեծամասնությունը բնակչություն էր հաստատում ԱՄՆ-ի արդյունաբերական խոշոր քաղաքներում: Այսպես, 1900 թ. գաղթա-կանները կազմում էին Նյու Յորքի բնակչության 37, Գիկագոյի՝ 34, Բոստո-նի՝ 35,1, Քլիվլենդի՝ 32,6, Սան-Ֆրանցիսկոյի՝ 33,8, Միլուոկի՝ 31,2, Մին-նեապոլիսի՝ 30,1, Փրովիդենսի 31,8, Վորչեստրի՝ 31,8%-ը²²:

²⁰ Ա. Գ. Աբրահամյան, Համառոտ ուղագիծ հայ գաղթավայրերի պատմության, Երևան, 1967, էջ 355—356.

²¹ „Historical Statistics of the United States (Colonial Times to 1957)“, Washing- ton, 1960, p. 756.

²² Նույն տեղում:

Հայերը բնակություն էին հաստատել ղլխավորապես հետևյալ նահանգներում՝ Նյու Յորք, Փենսիլվանիա, Օհայո, Միչիգան, Իլինոյս, Մինեսոտա, Վիսկոնսին, Կալիֆորնիա և այլն։ Նյու Յորքը, Բոստոնը, Ջեկազոն և Ֆրեզնոն XX դ. առաջին տասնամյակում ունեին 10—12 հազարական հայ բնակիչ, Ֆիլադելֆիան, Փրովիդենսը, Ուստըր՝ 6—8, Դետրոյթը, Բրիքփորտը և Տրոյան՝ 4—5 հազար։ Նշված քաղաքներում էր կենտրոնացված ամերիկահայերի մոտ 75% -ը²³։

Առաջին համաշխարհային պատերազմից հետո (չնայած 1914 թ. տեղի ունեցավ նշանակալից ներգաղթ՝ 1.218.480 մարդ) սկսվում է ԱՄՆ կատարվող ներգաղթի անկումը։ Հոկտեմբերյան հեղափոխությունը ոչնչացրեց այն սոցիալ-տնտեսական պայմանները, որոնք նախադրյալներ էին ստեղծում Ռուսաստանից մասսայական արտագաղթի համար։ Սակայն հեղափոխությունից և քաղաքացիական պատերազմից հետո երկրից դեպի ԱՄՆ էին գաղթում սպիտակ-գլուխի և սպաներ, բարձր աստիճանավորներ, քաղաքական վտարանդիներ։

Աղյուսակ № 3

Ներգաղթային օրենսդրությամբ սահմանված ամենամյա բոլորները
Հարավային և Արևելյան Եվրոպայից ներգաղթողների համար²⁴

Արտագաղթի երկրներ	1921 թ. աղյուսակի բոլորները Եվրոպայից (մարդ)	1924 թ. աղյուսակի բոլորները Եվրոպայից (մարդ)	1929 թ. աղյուսակի բոլորները Եվրոպայից (մարդ)
Ավստրիա	7.451	785	14.413
Բուլղարիա	302	100	1000
Թուրքիա	656	100	226
Իտալիա	42.057	3.845	5.802
Լեհաստան	25.827	5.982	6.524
Հարավսլավիա	6.426	671	845
Հունաստան	3.294	100	307
Հունգարիա	5.638	473	869
Չեխոսլովակիա	14.263	3073	2.874
Ռումինիա	7.419	603	295
ՍՍՀՄ	34.284	2.248	2.784
Ֆինլանդիա	3.921	471	569

Առաջին համաշխարհային պատերազմի տարիներին սկսված կապիտալիզմի ընդհանուր ճգնաժամը թուլացրեց կապիտալիզմի ամբողջ սխտեմը, խորապես դիպչելով նաև Միացյալ Նահանգներին։ Եվ չնայած արդյունաբերության զարգացման տեմպերը շարունակում էին մնալ համեմատաբար բարձր, երկրի տնտեսության զարգացման ընդհանուր տեմպերը դանդաղում էին, հանգեցնելով գործազրկության աճի։ Դա պայմանավորեց 1920-ական թվականներին ներգաղթի սահմանափակումը։ Բացի այդ, առաջին համաշխարհային պատերազմը դարձավ ամերիկյան շուկաների միջոցով «ամերիկանիզմի», բռնկման կատալիզատոր։ Հետապնդվում էին ներգրեցը, հրեաները, կաթոլիկական դավանանքին պատկանողները, ինչպես նաև Արևելյան և Հարավային Եվրոպայից գաղթածները։

Այսպիսի սոցիալ-տնտեսական և քաղաքական մթնոլորտում ծնվեց նոր իմիգրացիոն օրենսդրությունը, որը սկզբունքորեն փոխեց երկրի իմիգրացիոն քաղաքականությունը։ Այդ նոր քաղաքականության հիմնաքարը 1921, 1924

²³ Ա. Գ. Աբրահամյան, Նշվ. աշխ., էջ 356։

²⁴ Աղյուսակը կազմված է «Statistical Abstract of the United States, 1960», Washington 1961, Ժողովածուի տվյալների հիման վրա։

և 1929 թթ. ընդունված ազգային քվոտների մասին օրենքներն էին: Դրանցով սահմանափակվեց ներգաղթը ԱՄՆ: Այդ օրենքներն առաջին հերթին պատնեշ դրեցին Հարավային և Արևելյան Եվրոպայից գաղթողների առաջ: Ստորև բերված № 3 աղյուսակը պատկերացում է տալիս այն մասին, թե 1921 թ. հետո որքան փոքրաքանակ էր թույլատրելի ներգաղթը նշված երկրներից:

Աղյուսակ № 4

1921—1940 թթ. ներգաղթն ԱՄՆ Հարավային և Արևելյան Եվրոպայից²⁵

Արտագաղթի երկիրը	1921—1930 թթ. (մարդ)	1931—1940 թթ. (մարդ)
Ավստրիա	412.202	117.621
Բուլղարիա	2.945	938
Թուրքիա	14.659	737
Իտալիա	455.315	68.028
Լեհաստան	227.734	17.028
Հարավսլավիա	49.064	5.835
Հունգարիա	32.868	սլովակներ և հան
Չեխոսլովակիա	102.194	14.392
Ռումինիա	67.646	3.871
ՍՍՀՄ	61.742	1.356
Ֆինլանդիա	16.691	2.143

Համաշխարհային երկու պատերազմների միջև ընկած ժամանակաշրջանում Հարավային և Արևելյան Եվրոպայի երկրներից ԱՄՆ արտագաղթը եղել է փոքրաթիվ (աղյուսակ № 4) և, ինչպես ցույց տրվեց վերևում, կրել է հիմնականում քաղաքական բնույթ:

1948 թ. ուժի մեջ է մտնում մի օրենք, որը, ի լրացումն ազգային քվոտների, երկու տարվա ընթացքում թույլատրում էր ԱՄՆ ներգաղթել 400.000 հայրենափոխ անձանց: Նրանց տրվում էին մի շարք արտոնություններ, ըստ որոնց այդ անձինք կարող էին լրացուցիչ ներգաղթային վիզաներ ստանալ: Դրա հետևանքով մինչև 1951 թ. ԱՄՆ եկավ մոտ կես միլիոն մարդ, որոնց մեջ կային նաև շատ ֆաշիստական, հակասովետական տարրեր, ինչպես նաև ռազմական հանցագործներ: Հայրենափոխ անձանց հիմնական մասը մինչև պատերազմն ապրում էր Հարավային ու Արևելյան Եվրոպայի երկրներում. 132 հազ. մարդ ապրում էր Լեհաստանում և Արևմտյան Ուկրաինայում, 60 հազ.՝ նախապատերազմական Գերմանիայում, 32 հազ.՝ Սովետական Միությունում և նույնքան էլ Հարավսլավիայում, 24 հազ.՝ բուլղարական Լիտվայում²⁶:

1953 թ. հունվարի 1-ից ուժի մեջ մտավ «Ուղտեր-Մակկարենի» օրենքը, որն է՛լ ավելի կրճատեց ներգաղթողների թիվը: Նոր օրենսդրությունն ասպարեզ մտցրեց նաև «չորս արտոնությունների» սխտեմը, որը լրացուցիչ դժվարություններ էր ստեղծում ներգաղթողների համար: Հատկանշական է, որ ի լրացումն ներգաղթը սահմանափակող «Ուղտեր-Մակկարենի» օրենքի, ԱՄՆ-ի կառավարությունը 1965 թ. մի շարք արտոնություններ սահմանեց Գերմանիայից, Ավստրիայից և Իտալիայից հայրենափոխ անձանց ներգաղթի համար:

Այսպիսով, Հոկտեմբերյան սոցիալիստական հեղափոխությունից և առաջին համաշխարհային պատերազմից հետո Հարավային և Արևելյան Եվրոպայի երկրներից ԱՄՆ տեղի ունեցող արտագաղթը խիստ կրճատվեց: Փոխվեց նաև գաղթողների սոցիալ-քաղաքական բնութագիրը: Վերոհիշյալ երկրներից դեպի ԱՄՆ մասսայական արտագաղթի ավարտը որոշակիորեն կայունացրեց ԱՄՆ-ի տվյալ էթնիկական խմբերի կազմավորումը: Սակայն հա-

²⁵ Նույն տեղում:²⁶ С. В. Филипов, Иммиграция и гражданство, М., 1973, с. 53.

մայրենների համալրումը մտավորականության խավին պատկանող մարդկանցով և վանաղան քաղաքական համոզմունքների տեր հայրենակիցներով, դրանցում ստեղծում էր որոշակի քաղաքական միջնորդություն: Հաճախ համայնքների ղեկավարներ էին դառնում քաղաքական գաղթականության ներկայացուցիչները: Քաղաքական գաղթականների հոսքը համայնքներում ուժեղացրեց սոցիալ-քաղաքական բևեռացումը:

1965 թ. հոկտեմբերի 3-ին ուժի մեջ մտավ ԱՄՆ-ի նոր ներգաղթային օրենսդրությունը, որը վերացրեց աղգային քվոտների սխտեմը և սահմանեց այսպես կոչված «արտոնությունների» սխտեմ: Նոր օրենսդրությունը նախատեսում էր 7 արտոնություն, որոնք ԱՄՆ արտագաղթել ցանկացողներին ներկայացնում էին մի շարք պահանջներ (ներգաղթողի օժտվածության աստիճան, մասնագիտություն, որակավորում, ԱՄՆ-ում հարազատների առկայություն և այլն):

1965 թ. մինչ այժմ ներգաղթը սոցիալիստական երկրներից ԱՄՆ հիմնականում կրում է բնաանիքների միացման բնույթ: Միակ սոցիալիստական երկիրը, որտեղից բանվորական ուժի արտագաղթ է տեղի ունենում, դա Հավայական է: Շարունակվում է արտագաղթը Հունաստանից և Իտալիայից:

ИММИГРАЦИЯ ИЗ СТРАН ЮЖНОЙ И ВОСТОЧНОЙ ЕВРОПЫ В США

(КОНЕЦ XIX—60-е ГОДЫ XX в.)

МАРИАМ ТЕР-ГРИГОРЯН

Резюме

С 80-х годов прошлого столетия страны, которые до сих пор давали основную иммиграцию в США, отходят на второй план, а главными источниками европейской иммиграции делаются экономически и политически отсталые страны Восточной и Южной Европы: Российская империя, Австро-Венгрия, Турция. Вследствие неравномерного развития капитализма это были страны, где слабое развитие промышленности и феодальные пережитки в сельском хозяйстве неизбежно выталкивали миллионы людей из их экономической структуры.

Поскольку причины массовой иммиграции из стран Южной и Восточной Европы были примерно одинаковыми и носили экономический характер, то иммигрантский поток, несмотря на свое культурно-экономическое многообразие, был социально однороден и состоял в основном из сельскохозяйственных и неквалифицированных рабочих. С другой стороны, исходя из объективных условий развития американского капиталистического хозяйства, этот иммигрантский поток, независимо от своего экономического и социального прошлого, становился на одну и ту же лестницу в системе американской социальной иерархии, в основном превращаясь в неквалифицированных рабочих, занятых в капиталистическом производстве.